



Bájkkeavijssa NuorttaSálto

Sámegiella girjjevuorkán

Hábmer ájggu almulasj sámé namájt ja galbajt sámegiellaj, ja ihkap sjaddá oasse sámé giellaháldadimguovlos. Hábmera girjjevuorkán le girjjevuorkkár Paivi Alanen sierra sámé ássudagáv áttjudime.

Vájku li moadda mehtera sámé girjálásjuodajn, musihkajn ja filmajn, ja suojmma ienebut sjaddá, vájku Alanena mielas ilá suojmma manná. Ij állo almoduvá, ja diedo ja vuobddemiedo almodusáj birra ij vargga gávnnu ja le soajttemláhkáj. Iesj artihkkala tjálle girjjevuorká hilldujn girjijt ja musihkav gávna, aj bájkálattjat almoduvvam, maj birra ij le goassak gullam.

- Álu báhti almodusá smáv lågon, ihkap ekonomalassj siváj diehti, valla bierri gájt liehket da vierdev vaj bájkálasj girjjevuorká oadju gesisik vaddusav, hasot Paivi Alanen.

- De máhttep mijá láhkáj oassálasstet vaj girje ja musihkka oahppásin sjaddi inep ulmuttija, javllá.



Girjjevuorkkár Paivi Alanen Hábmera girjjevuorkán fállá sámé girjijt, filmajt ja musihkav sierra ássudagán girjjevuorkán Oppáiden. **Bibliotekar Paivi Alanen** på Hamarøy bibliotek kan tilby både samiske bøker, filmer og musikk i egen avdeling på biblioteket på Oppeid.

Hábmera girjjevuorkká le girjjevuorkká mij galggá bájkálasj álmugij ja Knut Hamsun joarkkaskávlá skávlláohppijda girjijt, musihkav ja filmajt luojkkat. Sierraláhkáj dajda oahppijda gudi sámegiellav oahppi skávlán le ájnas girjjevuorkká máhttá sámé tihttalijt luojkkat.

– Ella gal nav moattes gudi sámegiellav oahppi dá skávllájage, valla da gudi oahppi, li vissjalis addne girjjevuorkás ja

sámé ássudagás, javllá Alanen. Girjjevuorkkárin li gártjedum ressurasa, ja viertti vuorodit.

- Oasstep filmajt ja musihkav duodden fáhka- ja tjáppagirjálásjuohtaj. Vuorodip almodusáj julevsámegiellaj ja bájkálasj buvtadimev, valla miján li moadda tihttala nuorttasámegiellaj. Duodden li diedon girje dárogiellaj ma guoski sámé kultuvrav ja histávráv, subtsas Alanen.

Luojkkam ja adno girjjevuorká sámé ássudagás málssu vehi. - Jus skávlá tjadádi sierra prosjevtajt sámij birra de lassán. Sierraláhkáj gá sámé álmukbiejvve tjadáduvvá vuojnnep sámé girjálásjuoda berustibme lassán, musihkaj ja filmmaj, hæjttá Paivi Alanen.

Tæksta: Børge Strandskog
Járggálibme: Divte Media AS

Hierggevuodjem World Cup



Ávdep lávvodagá ásaduváj World Cup hierggevuodjem in Harstad Travsáljon. Hierggevuodjema birás lij dálvvevárán dájmaj divna álldarijda, ávvudallamij ja suohtastallamij, siednadájdda duola dagu dábdos Adjagasajn ja sámé biebbmokultuvrra. Ja sjattaj álmukávvudallam, birrusin 3000 guossij finálan. Dánna bessin ulmutja tjágedit nágín dajs buoremus hierggevuoddjis væráldin, valla lij aj hierggevuodjem hávsskudallama diehti, gánná hierggevuodje ællim la riek nav profesjonalalattja. Saljon lij sjálle – vájku dálkke málsoj, lidjin guhka gárggása ja hálvva bisádakgássjelisvuoda.

Gájkka gávva / Alle foto: Terje Strandskog

